

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. Statuta Općine Centar Sarajevo („Službene novine Kantona Sarajevo“, br. 23/04), člana 18. Odluke o izvršavanju Budžeta Općine Centar Sarajevo za 2022. godinu (br. 01-11-442/22 od 20.01.2022. godine i Pravilnika o uslovima i načinu dodjele novčanih poticaja za kupovinu stočne hrane poljoprivrednim proizvođačima sa mjestom prebivališta na području Općine Centar Sarajevo (br.16-20-95/22), Općinski načelnik objavljuje:

JAVNI POZIV

Za dodjelu novčanih poticaja za kupovinu stočne hrane

I PREDMET JAVNOG POZIVA

Predmet Javnog poziva je prikupljanje zahtjeva i finansijska podrška poljoprivrednim proizvođačima koji se bave uzgojem stoke na području Općine Centar Sarajevo.

II CILJ POZIVA I NAMJENA SREDSTAVA

Cilj Javnog poziva je realizacija mjera finansijske podrške poljoprivrednicima, jer svjesni situacije u kojoj smo se zadesili, Općina Centar Sarajevo pokušava iznaći najbolja moguća rješenja, kako bi ublažili novonastalu štetu i posljedice uzrokovane povećanjem cijena stočne hrane.

Uslijed ovakve situacije, uzgajivači smanjuju broj životinja na svojim gazdinstvima te u cilju pomoći našim poljoprivrednicima u ublažavanju posljedica koje je poskupljenje dovelo planirana je pomoć kao podrška stočnom fondu.

III PRAVO UČEŠĆA

Pravo na učešće u Javnom pozivu imaju svi poljoprivredni proizvođači sa područja Općine Centar Sarajevo koji se bave uzgojem krupne, sitne stoke, i oni koji se bave peradarstvom i pčelarstvom.

Javni poziv obuhvata dodjelu novčanih poticaja u cilju podrške poljoprivrednim proizvođačima, a koji posjeduju:

- 1) Uzgoj krupne stoke (min. 2 grla - max. 20 grla krupne stoke);
- 2) Uzgoj sitne stoke (min. 30 grla - max. 120 grla sitne stoke);
- 3) Uzgoj peradi - koka nosilja za proizvodnju konzumnih jaja (min. 100 - max. 1.500 koka nosilja);
- 4) Uzgoj pčela (min. 50 - max. 100 pčelinjih društava).

Pravo na dodjelu novčanih poticaja za kupovinu stočne hrane, podnosilac prijave na Javni poziv, će moći ostvariti **samo po jednom od navedenih osnova**.

IV USLOVI ZA DODJELU STOČNE HRANE

Uslovi koje kandidat treba da ispunjava:

- 1) Da podnosilac zahtjeva ima prebivalište i drži stoku na području Općine Centar Sarajevo;
- 2) Da je registrovan kao poljoprivredni proizvođač u Općini Centar Sarajevo ili ima Rješenje o registraciji subjekta kod nadležnog organa;
- 3) Da je podnosilac zahtjeva upisan u Registar poljoprivrednih gazdinstava i Registar klijenata, kao i Registar pčelara (samo za pčelare) u nadležnoj Službi Općine Centar Sarajevo i da je izvršio ažuriranje podataka u 2021. godini;
- 4) Da podnosilac zahtjeva ima potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko - zdravstvene zaštite, izdate od ovlaštene veterinarske organizacije na području Kantona Sarajevo (obrazac A-11) - 2021. godina;
- 5) Da podnosilac zahtjeva ima otvoren i aktivan račun u banci.

V SADRŽAJ POTREBNE DOKUMENTACIJE

Potrebna dokumentacija:

- 1) Popunjen i potpisan prijavni obrazac – zahtjev;
- 2) Uvjerenje o prebivalištu CIPS (ne starije od mjesec);
- 3) Potvrda o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko - zdravstvene zaštite, izdate od ovlaštene veterinarske organizacije na području Kantona Sarajevo - Obrazac A-11 (ovjerena kopija);
- 4) Potvrda o otvorenom i aktivnom računu u banci (orginal ne stariji od mjesec dana).

Prijavni obrazac možete preuzeti na sljedećem linku:

<http://www.centar.ba/stranica/javni-pozivi-euprava>

VI NAČIN I ROK ZA PODNOŠENJE ZAHTJEVA

Rok za prijavu na Javni poziv je 15 dana od dana objavljivanja u dnevnom listu i web stranici Općine Centar.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

Općina Centar Sarajevo Mis Irbina 1 71000 Sarajevo Sa naznakom „Javni poziv za dodjelu novčanih poticaja za kupovinu stočne hrane“ „NE OTVARAJ“

Na poleđini koverta obavezno se navodi: ime i prezime podnosioca zahtjeva, adresa i kontakt telefon.

Neblagovremeni i nepotpuni zahtjevi /prijave neće biti razmatrane.

Žalbeni rok je 15 dana od dana objavljivanja Odluke o dodjeli novčanih poticaja za kupovinu stočne hrane na web stranici Općine Centar.

VII OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv.

Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512.

Općinski načelnik

Srđan Mandić